

Oqaluuserisassanut nassuiaat.

(Inatsisartut Siulittaasuat)

Aningaasaqarnermut Akileraartarnermullu Ataatsimiititaliaq oqaluuserisassani immikkoortup 122-p aappassaaneerneqarnissaata kinguartinneqarnissaanik qinnuteqarpoq.

Immikkoortoq maanna juunip ulluisa aallaqqaataanni aappassaaniigassanngortinneqarpoq.

Immikkoortup 122-p qulequtaraa: Inatsisartut aalajangiiffigisassaattut siunnersuut Naalakkersuisut peqquneqassasut akileraartarnermi aaqqissuusseqqinnissamut siunnersuuteqassasut, akileraartarnermut ingerlatsineq ajornannginnerusoq, Kalaallit Nunaanni akileraarut ataatsimoortumik apparluni aammalu aningaasarsianut akileraarutit appartinneri ilaliullugu. Siunnersuut UPA 2023-mut saqqummersussanngorlugu suliarineqassaaq.

Oqaluuserisassani immikkoortut 93 aamma 134 aappassaaneerneqarnissaat juunip ulluisa aallaqqaataannut kinguartinneqarpoq. Immikkoortut qulequtaraat: Immikkoortoq 95: Tasiilami efterskolemik pilersitsinissaq siunertaralugu pilersaarummik UPA 2023-mi Naalakkersuisut saqqummiusseqqullugit Inatsisartut aalajangiiffigisassaattut siunnersuut.

Immikkoortoq 134: Tasiilami adventure efterskolemik pilersitsinissamik Naalakkersuisut peqquneqarnissaannik siunnersuut.

Oqaluuserisassani immikkoortup 51-ip aappassaaneerneqarnissaa juunip ulluisa aallaqqaataannut kinguartinneqarpoq.

Immikkoortup 51-ip qulequtaraa: Nunatsinni illoqarfinni avinngarusimasuniittuni peqqissaaviit minnerni nakorsaqaarniarneq aammalu peqqinnissaqarfimmi sulisunik amigaateqarneq pillugu Naalakkersuisut UPA2023 nallertinnagu nassuiaasioqquneqarnissaannik Inatsisartut aalajangiiffigissaassaattut siunnersuut.

Oqaluuserisassani immikkoortup 10-p: Aningaasaqarnikkut ingerlatsineq pillugu

nalunaarut 2022 oqaluuserineqarfissaa maajip ulluisa 31-iannut kinguartinneqarpoq.

Immikkoortup 56-ip oqaluuserisassanut ilanngunneqarnerata kingorna siulittaasoqarfik oqaluuserisassani marlussunnik naleqqussaasimavoq.

Apeqquteqaat aallaavigalugu oqallinnissamik siunnersuutit arfinillit pineqartut ullunik nutaanik oqaluuserineqarfissalerneqarput. Ataatsimiinnermi matumani ulluni kingullerni naleqqussaanerit nittartakkatsinni takuneqarsinnaapput.

Siulittaasoqarfiup ataatsimiinnerit immikkoortullu oqaluuserisassannngortinneqarsimasut suliarineqarneri qanoq ingerlanersut takoriarlugit aalajangerumaarpaa ataasinngorneq maajip ulluisa 30-iat aamma ataatsimiiffiussanersoq.

Oqaluuserisassani immikkoortut 4 aamma 5 maajip ulluisa 25-ianni ataatsimiinnermi oqaluusereqqinneqassapput.

Immikkoortup 5-ip ilanngunneqarneranut pissutaavoq Naalakkersuisut Nunami namminerimi pissutsinut allaffiat saaffiginnissuteqarsimammat Qinersinermut Ataatsimiititaliamut Inuit Ataqtigiit Siumullu eqqarsaatigalugit ilassusiilluni qinersinissaq pisariaqalersimasoq.

Taamatuttaaq ilaasortanik Naalagaaffiit Peqatigiit ataatsimeersuarnerannut peqataasussanik qinersinerup ilannguteqqinneqarnissaa pisariaqarpoq.

Immikkoortut pineqartut qulequtaraat:

Immikkoortoq 4: Inatsisartut ataatsimiititaliaannut sinniisoqarfinnullu ilaasortassanik sinniisussaannillu qinersineq, aamma

Immikkoortoq 5: Siunnersuisoqatigiinnut aalajangiisartutullu ataatsimiititalianut ilaasortassanik sinniisussaannillu qinersineq.

Immikkoortut pineqartut maajip ulluisa 25-ianni immikkoortutut kingullertut oqaluuserineqassapput.

Maajip ulluisa 31-anni juunillu ulluisa aappaanni ataatsimiinnerit nalunaaqutaq qulinut aallartittassapput.

Kristian Jeremiassen juunip ulluisa aappaata Knud Mathiassenilu juunip ulluisa

aqqaneq-aappaata tungaanut napparsimallutik nalunaaruteqarsimammata sinniisussanik marlunnik ataatsimiigiaqqusisoqarnissaanik Inuit Ataqatigiit qinnuteqarput.

Adam Kristensen maajip ulluisa aqqarnganni ataatsimiigiaqquneqarsimavoq angallannikkulli pissutsit pissutigalugit aatsaat maajip ulluisa 23-anni Nuummut angulluni.

Adam Kristiansen Inatsisartunut tikilluaqqoqqipparput, Inatsisartuni issiavissannut ingissinnaanngorputit.

Knud Mathiasenimut sinniisussatut Johan Lund Olsen ataatsimiigiaqquneqarpoq.

Johan Lund Olsenip qinigaasinnaanera Qinigaanerup Misilinneqarnissaanut Ataatsimiititaliamit akuerineqarpoq. Johan Lund Olsenip sinniisussatut akuerineqarnissaa matumuuna Inatsisartunut inassutigaa. Akerliusoqarnerluni? ... Johan Lund Olsen, tikilluarit, Inatsisartuni issiavissannut ingissinnaanngorputit.

Taasisarnerit pillugit uku akornanni isumaqatigiissuteqartoqarpoq: